



**Loca Infesta,|| Hoc est:|| De Infestis,|| Ob Molestantes||
Daemoniorvm Et Defvncto-||rvm Hominvm Spiritvs,
Locis,|| Liber Vnvs.||**

Thyraeus, Petrus

Coloniae Agrippinae, 1598

VD16 T 1247

Cap. III. Quinam sint Spiritus, qui loca infestare solent?

[urn:nbn:de:hbz:466:1-61332](https://nbn-resolving.de/urn:nbn:de:hbz:466:1-61332)

DE LOCIS INFESTIS

CAP. III.

Tria esse Spirituum genera, quæ loca infestent, de
quibus præsens est Disputatio.

1. N argumento Capiti huic præfixo, vnum certum ponitur; alterum in questionem vocatur. Illud est, *Esse plura Spirituum genera, per quos loca infestari queant: hoc, Quinam illi sint Spiritus. Nec de potentia questione est; Sed de facto, quia, non, quinam valeant loca infesta reddere, sed qui re ipsa infestent, queritur.*
2. Primum autem omnium confessione manifestum est. Nec male. Quoniam sunt boni Spiritus & mali: & inter utrosque (ut de Deo Spiritum auctore nihil dicamus) quidam humani sunt; ut inter malos damnatorum animæ; inter bonos, mentes beatæ atque purgandæ: quidam Angelici, ut inter malos Diaboli; inter bonos, Spiritus cœlestes, in nouem ordines sive choros distincti.
3. De potentia vero questione non est, Quinam, videlicet, Spiritus loca infestare valeant. Cum enim omnium magna sint in res corporales vires; & in rebus corporeis loca, & quæ in locis sunt, habeantur; dubium nullum est, quin quicunq; Spiritus, si modò velint, & nulla superioris autoritate prohibeantur, loca infestare possint.
4. Qui igitur re ipsa infestant. Tria possimū Spirituum genera. Vnum prorsus incorporeorum, duo humanorum: hoc est Diaboli primum; deinde hominum animæ ad inferorum supplicia damnatae; & tertio illæ, quæ purgatoriis pœnis expiantur, viuentibus molesti sunt.
5. Non negamus interim Angelos bonos certis quibusdam locis & olim visos esse & modò interdum videri. Plura pro hoc argumento exempla protulimus in illa, quam de Spirituum Apparitionibus dedimus, Disputatione. Nec ita cœlis includimus bonos hominū Spiritus; ut ipsis quasi vincula iniiciamus, & extra cœlum comparere fas non sit, quoniam etiam hos saepius aliis locis visos esse, in iam dicta Disputatione demonstratum est: sed aliud est apparere Spiritus certis locis; aliud locis esse affixos quasi, & molestos.
6. Quod si quis etiam ipsorum præsentia loca infesta fuisse, aut esse, omnino velit conuincere, non multum repugnabimus, quæ nos loca infesta hac Disputatione dicimus, illa prioribus, triplicibus spiritibus, infestari, intelligi volumus.

Nem

P A R S P R I M A.

Neminem verò usque adeò desipere existimamus, ut omnes omnino, quæ vel molestiae percipiuntur; vel tumultus infestis locis audiuntur, bonis tantum Angelis, vel certè humanis illis felicibus Spiritibus auctoribus fieri credat. Multa hīc fiunt, quæ non nisi à prauis atque peruersis, aut certè miseris hominum Spiritibus fieri possunt, ut alias demonstrandum erit.

Sic nec quisquam erit, qui molestias atque tumultus omnes ab Angelicis illis prauis Spiritibus putabit excitari. quemadmodum non omnia, quæ fiunt, cælestibus illis beatis possunt ascribi; ita neque omnia Dæmonibus. Quædam non nisi Dæmones; quædam non nisi homines habent authores. Sic quædam non nisi homines, quædam non nisi Dæmones produnt.

Et quæ hīc ab humanis Spiritibus fieri certum est, non eiusdem conditoris sunt omnia, quamvis prodant miseros Spiritus aliqua; non tamen semper damnatos. Neque enim omnes miseri Spiritus, damnati Spiritus: quamvis damnati omnes miseri. Miseri illi, qui purgatoriis poenis expiantur, miseri & damnati, qui infernalibus suppliciis adiudicati.

Ceterū à dictis tribus Spirituum generibus loca infestari, quamvis difficile non sit, certa quadam ratione docere; exempli tamen rem illustrasse breuitati studentibus suffecerit.

Pro Dæmonibus igitur sunt Spectra, quæ in fodinis mineralibus, & salinis obseruata: quæ Hesperij domum reddiderunt infestam: quæ in balneis, quorum B. Gregorius Nyssenus meminit, multis mortem attulerunt: quæ aqua benedicta profligata à Theodoro Sicæorum Archimandrita: quæ agrum Bingensem affixerunt: choreæ item Eluarum, quarum mentionem fecit Olaus: Hüttingen etiam Hildesheimensis. De quibus primo Capite. Præterea terribilis & monstrosa effigies, quæ ad M. Brutum nocte ingressa, & quisnam esset interrogata, respondit se eius esse genium. Fœdum quoque & dirum Spectrum, quod Cassio Parmensi obuersatum est sub id temporis, quo iussu Augusti imperfectus est. De vtroque Sabellicus Tom. 4. lib. 1. Exemplorum, cap. 3. Deniq; quæcunque visa sunt sub peregrinis formis, de quibus capite 19. Thes. 9. & 10. in sequentibus.

Pro animabus purgandis sunt, Paschasius; quem celebrat Gregorius Magnus: Spiritus, qui obsequium aliquamdiu exhibuit presbytero Felici Portuensi Episcopo noto: & armatorum, ut credimus, tam equitum, quam peditum multitudo, quæ in agro VVormatiensi, multis noctibus atque diebus, conspecta est: de quibus

C

quibus

18 DE LOCIS INFESTIS

quibus 1. cap. Mater quoque s. Elisabethæ Hungarorum Reginæ: quæ filiæ post mortem apparuit; pœnas, quas ob vitam negligentius actam sustineret, exposuit; & vt filiæ suffragijs iuuetur, rogauit: & tandem, voti compos facta, pro matura liberatione gratias egit, cum secundo iam filiæ post fusas ad Deum preces appareret, quemadmodum in eius vita testatur Iacobus Montanus Spirensis, cap. 23.

13. Denique pro ijs qui inferni cruciatibus addicti sunt, est Vmbra, quæ Athenis domum, quam postea Athenodorus inhabitauit, turbabat: sunt manes matris Neronis, Cleonicæ Byzantinæ Virginis, & Galbae Imperatoris: Aethiops, qui apparuit Isidoro Monacho: de quo vide Thesin 8. cap. 38. Spectra demum, quæ plurima offerunt Regiones Aquilonares. Quamuis enim ipsa apparitionis, & infestationis horum Spirituum ratio ipsos damnatorum loco habendos esse, non necessariò demonstret; ex alijs tamen nullam ijs cum beatis aliquando partem futuram clarum est. Ex quibus verò? Quia vera fide destituti (vt de alijs criminibus dicatur nihil) ex hac vita discesserant. Nequit cuiquam quecumq; probè transfacta vita ad salutem prodesse; qui, vera fide destitutus, præsentem hanc cum alia vita (vt illi) commutat. Pro hac, ne plura dicam, diserta est B. Augustini sententia, lib. de fide ad Petrum. Firmissime, inquit, tene, & nullatenus dubites, non solum omnes Paganos; sed etiam Iudaos, Hereticos atq; Schismaticos, qui extra Ecclesiam Catholicam, præsentem finiunt vitam, in ignem aeternum ituros, qui paratus est diabolo & Angelio eius. Eodem modo in damnatorum Spirituum numero illi erunt; qui quamuis cum Christiana fide, sine charitate tamen hinc discernerint: quemadmodum idem Augustinus eodem loco his verbis testatur. firmissime tene, & nullatenus dubites, non omnes, qui intra Ecclesiam Catholicam baptizantur, accepturos esse vitam aeternam; sed eos; qui, percepto baptismate, rectè viuunt, id est, qui abstinerunt à vitijs & concupiscentijs carnis. Regnum enim celorum, sicut Infideles, Heretici atq; Schismatici non habebunt, sic Catholici criminosi possidere non poterunt.

14. Porrò ex dictis tria, vel quatuor, inferimus. Primum est, Animas hominum cum corporibus non interire, sed depositis corporibus vitam aliam viuere. Hoc probant & defunctorū Spiritus, qui apparent; & quos in diuersis locis excitant, tu multis atq; terrificatiōes.

15. Alterum est, Non uno tantum loco infernales pœnas sustineri. Esto sit unus locus, qui hoc sibi ius præ reliquis vendicet; & qui post extremum Iudicij diem, solus damnatorum sedes erit & domicilium; nunc tamen, præter hunc, plures habet Deus Opt: Max: in quibus

quibus debitas pro meritis à damnatis pœnas exigit. Nonne damnati Dæmones? nonne infernalem ignem sustinent? Et tamen eos mundi Rectores tenebrarū harum, & Spiritualia nequitie in cœlesti brac vocat Apostolus Paulus: & aërem sublunarem plenum esse Dæmonibus, ut communis, ita non vana, mortalium est opinio.

Tertium est, *Non uno loco contineri animas, quæ non plenè purgatae, ex hoc seculo discesserunt.* Præcipuus earum locus, quem Purgatorium dicimus, haud procul ab inferno constitutus est, in visceribus terræ: ad hunc maxima ipsarum pars à morte demigrat. Præter huc singulari Dei prouidentia & clementia, quædam alia habent, quibus purgantur, loca. Sed hæc aliò pertinent

16.

C A P. IV.

Varios esse tam Dæmoniorum, quam miserorum hominum Spiritus, qui mortalibus molestie esse solent, & loca reddere infesta.

Sed etiam Spiritum generæ astruximus, quæ loca infesta reddere soleant; Dæmones, Damnatorum hominum animas, & illas, quæ purgantur. *Verum in singulis generibus gradus sunt, & ordines; an. contra, invnoquoque genere omnes virtus eiusdemq; conditionis, definiendum est*

Demonum igitur (ab his initium faciamus) Psellus, quidam Philosophus & Christianus, (sed vt videtur Christianæ doctrinæ crudis) ex genera, secundum locorum varietatem, distinguit: unum *Igneum* vocatur, quod circa sublimiorem aërem vagatur. Alterum nominatur *Aerum*, in hoc aere, nobis proximo oberrans. Tertium appellatur *Terreum*, quia plurimum circa terram versatur, terrenisq; rebus, & machinis aduersatur homini. Quartum dicitur *Aquatilis & Marinum*, quod humoribus immersitur, libenter circa lacus & fluuios habitans, in mari fluctus & tempestates suscitans, nauigiaque hominibus onusta, submergens. Quintum est *Subterraneum*, subter terram habitans, infestans q; fossores puteorum, & metallorum; efficiens terræ hiatus, concutiens fundamenta; & flammiuos ventos excitans. Sextum &

e.

C 2

vltimum